

上清天醫許陶相宰救苦濟世寶懺

【上清天醫許陶相宰救苦濟世寶懺】

起讚

稽首相宰尊 救苦法紫庭 萬類存懷抱
三界總施仁 統轄天醫府 群推上洞真
齋明迎法駕 率土沐陽春
大聖救苦拯難大天尊 三稱

淨心神咒

太上臺星 應變無停 驅邪縛魅 保命護身
智慧明淨 心神安寧 三魂永久 魄無喪傾

淨口神咒

丹朱口神 吐穢除氛
舌神正倫 通命養神
羅千齒神 卻邪衛真
喉神虎賁 氣神引津
心神丹元 令我通真
思神鍊液 道炁長存

淨身神咒

靈寶天尊 安慰身形
弟子魂魄 五臟玄冥
青龍白虎 隊仗紛紜
朱雀玄武 侍衛我身

安土地神咒

元始安鎮 普告萬靈 嶽瀆真官 土地祇靈
左社右稷 不得妄驚 回向正道 內外澄清
各安方位 備守壇庭 太上有命 搜捕邪精
護法神王 保衛誦經 皈依大道 元亨利貞
大聖元始安鎮大天尊

淨天地神咒

天地自然 穢氣分散 洞中玄虛 晃朗太元
八方威神 使我自然 靈寶符命 普告九天

乾羅答那 洞罡太玄 斬妖縛邪 度人萬千
中山神咒 元始玉文 持誦一遍 卻病延年
按行五嶽 八海知聞 魔王束首 真聖衛軒
凶穢消散 道德成全

常清常靜天尊

攝魔攝穢大天尊

金光神咒

天地玄宗 萬炁本根 廣修億劫 證吾神通
三界內外 惟道獨尊 體有金光 覆映吾身

視之不見 聽之不聞 包羅天地 養育群生
誦持萬遍 身有光明 三界侍衛 五帝司迎
萬神朝禮 役使雷霆 鬼妖喪膽 精怪亡形
內有霹靂 雷神隱名 洞慧交徹 五炁騰騰
金光速現 覆護真人

祝香神咒

道由心洽 心假香傳 香爇玉爐 心存帝前
真靈下盼 仙旆臨軒 今某關告 逕達洞天

伏以

大生廣生 上天多好生之德 涉世憫世 真仙宏
救世之功 故助國以濟人 每行藥以治病 凡登真
而證道 必恤患而救災 緬維天醫院府許陶相宰真
君 本良相之才 工良醫之術 弗貪仕進 切意慈祥
恩溥生靈 威彰法力 回生起死 在在共顯神奇
除害蕩妖 兩兩並昭偉績 功圓行滿 坐化飛昇
歷數靡窮累言難罄 是皆

帝天之佐 后學之師 以今恭迓仙車 同臨法會
特炷真香 虔誠先啟

南宮紫府九天玄祖真君
三清道祖虛無三寶天尊
萬天至尊玄穹玉皇上帝
九華玉闕后土掌劫天尊
天醫大聖圓明斗姥元君
日宮天子鬱儀陽曦帝君
月華天女太素結璘皇君
萬雷宗祖勾陳天皇大帝
萬星教主北極紫微大帝
天地始老五靈五老大帝

神霄真王南極長生大帝
東宮慈父青玄九陽上帝
貞明大聖九天雷祖大帝
太華元老琅霄昭化大帝
混元教主北極玄天上帝
三元三品天地水官大帝
先天火府扶桑丹陵大帝
赤皇上品洞陽火官大帝
太古醫聖嘗藥神農炎帝
太古醫聖傳經軒轅黃帝

慈光救苦東嶽仁元聖帝
九天開化梓潼元皇大帝
三界伏魔靈佑協天大帝
無上醫王玉清孚佑上帝
旻天醫王主瘟都天大帝
中天解厄北斗七元星君
大德主生南斗六司星君
皇英歲主靈華至德帝君
天醫檢討正陽救劫帝君
天醫行化救苦薩大真君

悉仗真香普同供養

至心朝禮

無上道寶太上無極天尊
無上經寶太文無盡天尊
無上師寶太玄無穹天尊

讚

淨明忠孝 儒道恆通 旌陽遺澤振玄風
妙濟顯神功 輔相蒼穹 特建玉隆宮
大聖注生掌籍大天尊三稱

至心皈命禮

混元始祖 一炁分真 多劫之前 積修至道 勤苦備
悉 經緯愈深 萬法千門 罔不斯歷 救災拔難 除
害蕩妖 功濟生靈 名高玉籍 眾真推仰 宜有甄陞
大悲大願 大孝大仁 九州都仙 太史高明 大使 雷
霆泰省 天樞伏魔 上相 至道玄應 神功妙濟 掌九天
司職 太一定命 注生真君 三天按察 都檢校 普奏諫
大夫 天醫大帝 度人祖師 淨明著化 天尊

伏聞

善門種果 挺生卓犖之英 哲士修真 超越尋常

之品 置寵榮於弗顧 物外逍遙 識成敗於機先 胸
同明鑑 求道則果 濟物惟仁 恭惟

金闕上相天醫院主許大真君 幼抱奇姿 長多慈善
一行作吏 群沾膏雨之施 六載歸田 愛貽甘棠之頌
訪謐母而問道 書獲真傳 佈符藥以救人心懷博濟
制洪州之水怪 化悖逆之王敦 精靈炳於天衢 勝
蹟留於晉代 贊勦雷府 人無震厲之災 運導陰陽
物食中和之福 籤方救病 夢諭指迷 功德無邊 稱
揚靡極 眾心傾禱 五體投誠 謹運真香 瞻雲叩拜
至心朝禮

天醫院主妙濟無量天尊
逍遙學道妙濟無量天尊
感鹿舍獵妙濟無量天尊
還金售主妙濟無量天尊
旌陽良吏妙濟無量天尊
留愛甘棠妙濟無量天尊
勇退功名妙濟無量天尊
智達晉祚妙濟無量天尊
師事堪母妙濟無量天尊
鐵券銅符妙濟無量天尊

行藥治病妙濟無量天尊
神方咒水妙濟無量天尊
仗劍斬蛟妙濟無量天尊
驅邪除祟妙濟無量天尊
化周遐邇妙濟無量天尊
牙並制怪妙濟無量天尊
說阻王敦妙濟無量天尊
盃化白鵠妙濟無量天尊
召龍挾舟妙濟無量天尊
接引舟子妙濟無量天尊

丹成沖舉妙濟無量天尊
拔宅同升妙濟無量天尊
大慈仁者妙濟無量天尊
諫議大夫妙濟無量天尊
玉清左史妙濟無量天尊
金闕上相妙濟無量天尊
雷霆燮贊妙濟無量天尊
監正仙壇妙濟無量天尊
南極注生妙濟無量天尊
永垂教法妙濟無量天尊

讚

華陽碩派 貞白當留 清風亮節妙真修 光照病全
瘳 高列仙儔 天醫度閭浮
大聖好生慈濟大天尊三稱

至心皈命禮

晉室名儒 黃冠宰相 生而神異 膝呈七曜之文
長而該通 貯胸 五車之富 掛冠帶於永明 廉而且智
備 顧問於梁武 顯而愈韜 不榮仕藉 惟愛松濤
著肘後百二方 活江村三千戶 調劑雷霆 芸生成
沾膏澤 紀綱道法矣 風恆賴闡揚 天醫領袖 黃籙

上公 大悲大願 至孝至仁 上清醫院內宰華陽廣教
真君貞白大帝好生普救天尊

伏聞

天生道器 必卓越乎凡流 人負英姿 定勤修夫妙
行 富貴不迷 覺性孝悌 常篤天良 澤被蒼生 功
參化育 恭惟

金闕上宰天醫主政陶大真君 幼而神靈 膝擁七星
之印 耄而證道 掌施六甲之兵 解組綬於國門 猶
是淵明 歸隱備顧問於梁武 曾號宰相 山中醫極

精純 回生起死 念同大造 物與民胞 辟穀導養之
修老而弗倦羽化超昇之訣 閤而恆章 調燮雷霆
拯療疾苦 玄綱傳於奕翼 惠澤播於當時 功德靡
窮 稱揚曷盡 眾心傾禱 五體投誠 謹爇真香 瞻
雲叩拜

至心朝禮

天醫院宰好生無量天尊
華陽學道好生無量天尊
句曲煉丹好生無量天尊

藝工琴棋好生無量天尊
字傳隸篆好生無量天尊
膝抱奇印好生無量天尊
眼時現方好生無量天尊
至孝大成好生無量天尊
終身不娶好生無量天尊
辭職永明好生無量天尊
性耽泉石好生無量天尊
雲遊訪道好生無量天尊
卻聘東陽好生無量天尊

層樓禁足好生無量天尊
辟穀導養好生無量天尊
隱居自額好生無量天尊
梁武優禮好生無量天尊
勇寄騎射好生無量天尊
愛聽松濤好生無量天尊
喜人吹笙好生無量天尊
精明術數好生無量天尊
醫學津梁好生無量天尊
隨方救苦好生無量天尊

晚受圖籙好生無量天尊
耄耆矍鑠好生無量天尊
貞白先生好生無量天尊
刻日沖舉好生無量天尊
積香不散好生無量天尊
調燮雷霆好生無量天尊
德昭千古好生無量天尊

讚

精微醫理 功用如天 古今妙術總通仙 百病應時
痊 救苦消災 壽世保安全

大聖歷代醫宗大天尊三稱

伏聞

百家皆有秘授 一藝詎昧真傳 聿惟醫學之昭垂
不啻陽烏之復旦 肇端開自邃古 精術振於漢秦
宰之者天 創之者地 恢之者聖 贊之者師 溯夫辨
証軒岐 猶探源於宿海 沿及著書 陶許第砥柱乎
中流 素問內經 宛乎天工人代 準繩綱目 益見博
大昌明 英材散列古今 編籍彙充梁棟 神者如是
良者如是 名者如是 又復如是 秦有其人 漢有其
人 晉唐亦有其人 同抱救災恤患之心 能補天施

地生之憾 治內治外 各顯神奇 為灸為針 妙難殫
述 不為醫宗之聖 則為醫術之仙 指授必賴師承
工巧多由神悟 高蹤雖邈 遺澤堪傳 今既朝禮乎
二真 更思頂參乎列佐 皈身皈命 五體投誠 謹炷
真香 瞻雲叩拜

至心朝禮

天醫大聖 僦貸季公尊師
天醫大聖 辯難岐伯尊師
天醫大聖 藥王扁鵲尊師

天醫中聖闡經巫咸尊師
天醫中聖炮製雷公尊師
天醫中聖伯高少俞尊師
天醫中聖少師史區尊師
天醫中聖洞達俞府尊師
天醫中聖多識桐君尊師
天醫中聖業術巫彭尊師
神醫倉公開悟后學真人
神醫和氏洞達膏盲真人
神醫緩氏調和君相真人

神醫盧氏救度季梁真人
神醫愈病漢陽鳳綱真人
神醫救苦河間玄俗真人
仙醫授徒輔天長桑真人
仙醫濟世回天安期真人
仙醫普救療臂華真人
仙醫普救金匱葛真人
仙醫普救杏林董真人
仙醫普救橘井蘇真人
仙醫普救孝思吳真人

仙醫普救龍虎孫真人
仙醫普救西河薩真人
仙醫普救自然馬真人
仙醫普救洪願冷真人
仙醫普救妙濟何真人
仙醫普救顯佑黃真人
良醫普救隻指高真人
良醫普救邱據梁真人
良醫普救仲景張真人
良醫普救療背蛄真人

良醫普救解顱淳于真人

良醫普救少室李真人

良醫普救神針郭真人

良醫普救治癰薛真人

良醫普救燭幽文真人

良醫普救祛癩王真人

良醫普救針茅徐真人

良醫普救逐果李真人

良醫普救制蟲蘇真人

良醫普救梁公狄真人

良醫普救汝州孟真人
良醫普救沛郡施真人
良醫普救神妙許真人
良醫普救法和陸真人
良醫普救飛霞韓真人
良醫普救懷隱王真人
良醫普救聖惠王真人
良醫普救幸靈者真人
良醫普救賣藥者真人
良醫普救東臯子真人

良醫普救日華子真人
名醫傳世叔和王真官
名醫傳世丹溪朱真官
名醫傳世河間劉真官
名醫傳世東垣李真官
名醫傳世慈藏韋真官
名醫傳世金針孔真官
名醫傳世元方巢真官
名醫傳世蘭陵蕭真官
名醫傳世伯宗甘真官

名醫傳世安常龐真官

名醫傳世博陵郝真官

名醫傳世士安皇甫真官

名醫傳世逸民裴真官

名醫傳世玄平範真官

名醫傳世夾漈鄭真官

名醫傳世中理楊真官

名醫傳世仲堪殷真官

名醫傳世彥通褚真官

名醫傳世齊卿紀真官

名醫傳世知己麻真官
名醫傳世伯仁滑真官
名醫傳世君卿婁真官
名醫傳世良玉錢真官
名醫傳世達齋危真官
名醫傳世道軒熊真官
名醫傳世明遠江真官
名醫傳世石山汪真官
名醫傳世敕山倪真官
名醫傳世汶陽柱真官

名醫傳世抱一項真官
名醫傳世天民虞真官
名醫傳世橘泉祝真官
名醫傳世進之王真官
名醫傳世重禮胡真官
名醫傳世漢卿竇真官
名醫傳世以德趙真官
名醫傳世約之方真官
名醫傳世起東盛真官
名醫傳世可久葛真官

名醫傳世謙甫羅真官
名醫傳世安道王真官
名醫傳世新甫薛真官
名醫傳世淑旦陳真官
名醫傳世滄州呂真官
名醫傳世誠莊沈真官
名醫傳世魯古直真官
名醫傳世漢卿周真官
名醫傳世宗衡程真官
名醫傳世子厚黃真官

名醫傳世毅叔宋真官
名醫傳世魯濟鄒真官
名醫傳世扶溝甄真官
名醫傳世慶嗣李真官
名醫傳世子固周真官
名醫傳世用文蔣真官
名醫傳世仁齋楊真官
名醫傳世德秀徐真官
名醫傳世復菴戴真官
名醫傳世時珍李真官

名醫傳世奉真僧真官

名醫傳世與正唐真官

名醫傳世曲江劉真官

名醫傳世藏用石真官

名醫傳世震父葛真官

名醫傳世彥德胡真官

名醫傳世訥菴汪真官

名醫傳世天駟葉真官

天醫院內傳方救苦諸真官

天醫院內修合救苦諸真官

天醫院內巡察救苦諸真官

天醫院內掌籍主簿功曹

回向

伏念 妙藥多傳於海上 神方每出自仙人 不有慈
湣之帝天 焉生群聖 不有神靈之群聖 孰職天醫
肱三折 而龍宮傳秘禁之方 青囊披 而在笥藏神
工之奧 數之卓卓堪紀 仰之遙遙在天 以今既遍
禮乎群真 仍應祇承乎二聖 茲當法會週圓 理合
叩天送駕 惟願歲時順序 人無天厲之傷 膏雨頻

施物有繁昌之慶 九厄十纏之胥化 三災四厄之
盡除 常叨慈救之仁 永享綿延之福 曷勝祈謝 法
眾啣恩 為上良因 再申稱念
相宰慈濟天尊三稱 覃恩不可思議功德

收讚

通靈妙藥 一粒金丹 人能入口即平安
莫作等閒看 顆顆仙丸 普度在慈壇
大聖同心拯濟大天尊三稱

【上清天醫許陶相宰救苦濟世寶懺】